

UNIVERSITI SAINS MALAYSIA

Peperiksaan Semester Pertama
Sidang 1987/88

YMT 201 - Teori Komunikasi

Tarikh: 28 Oktober 1987

Masa: 2.15 petang - 5.15 petang
(3 jam)

Ada dua bahagian dalam peperiksaan ini. Jawab kedua-dua bahagian. Jawab SEMUA soalan dalam Bahagian I (40%). Jawab DUA soalan dalam Bahagian II (60%).

BAHAGIAN I: (40%)

Jawab SEMUA soalan dengan ringkas (5-10 ayat).

1. Apakah maklumat, dan bagaimanakah ia dikumpul?
2. Kenapakah maklumat penting dalam kehidupan manusia?
3. Apakah sikap, dan apakah kelakuan, dan bagaimanakah hubungan antara keduanya?
4. Apakah tahap yang dapat dikesani dalam proses penerimaan maklumat yang membawa kepada amalan?
5. Apakah tanggapan, dan kenapakah ia penting dalam pembentukan andaian dan hipotesis?
6. Nyatakan beberapa unsur yang boleh mempengaruhi tanggapan dari sudut penanggap dan juga sasaran.
7. Beri enam tugas perutusan (komunikasi) dalam masyarakat.
8. Kenapakah maklum-balas atau feedback sangat penting dalam proses perutusan (komunikasi)?
9. Beri tiga perkara yang harus terkandung dalam sesuatu teori.
10. Beri lima unsur yang boleh digunakan sebagai ukuran untuk mengatakan sesuatu teori itu lebih baik berbanding dengan satu teori lain.

...2/-

11. Apakah model, dan apakah kegunaannya dalam siasatan ilmiah?
12. Huraikan dengan ringkas model perutusan (komunikasi) Lasswell.
13. Huraikan dengan ringkas Teori Ketidaksehaluan Kognitif.
14. Huraikan dengan ringkas "Teori Catharsis" atau Catharsis Theory dari sudut perutusan (komunikasi).
15. Apakah hukum? Dan keadaan bagaimanakah yang menjadikan sesuatu itu "hukum"?
16. Tamadun manusia dikatakan telah mengalami beberapa peringkat dalam "revolusi perutusan" atau "revolusi komunikasi" dari dahulu hingga sekarang. Nyatakan lima peringkat tersebut.
17. Mengikut pendekatan komunis, apakah tugas perutusan jelata atau komunikasi massa?
18. Apakah yang anda fahami dengan Order Baru Maklumat dan Perutusan Antarabangsa atau New World Information and Communication Order?
19. Apakah muslihat propaganda seperti yang disarankan oleh Goebbles?
20. Apakah yang anda fahami dengan "darjat (hiraki) maklumat", dan bagaimanakah susunannya?

BAHAGIAN B: (60%)

Jawab DUA (2) soalan.

1. Huraikan kaitan antara andaian, hipotesis, teori, dan hukum. Kemudian beri dua atau tiga ujikaji (eksperimen) ataupun kajian yang telah dilakukan untuk menguji hipotesis berkaitan dengan proses perutusan (komunikasi). Apakah penemuan yang didapati daripada ujikaji atau kajian itu sah atau batal? Kenapa?
2. Apakah makna, dan bagaimanakah ia terbentuk? Apakah yang anda fahami dengan Kaedah Perbezaan Erti rekaan Osgood? Adakah kaedah tersebut berjaya mengukur makna sesuatu lambang dengan berkesan? Huraikan dan hujahkan.
3. "Masalah perkauman di negara ini adalah satu masalah komunikasi." Beri hujah untuk menyokong ataupun menafikan kenyataan ini.
4. Dengan berpandukan empat petikan di bawah, hujahkan kaitan hal yang dikemukakan di dalam petikan dengan proses pembentukan teori. Anda boleh gunakan contoh dan misalan di dalam ataupun di luar bidang perutusan (komunikasi).

"Alam boleh difahami
Tanpa meninggalkan rumah
Jalan itu boleh dilihat
Tanpa tingkap.
Semakin jauh anda pergi
Semakin kurang pengetahuan anda.

Jadi, orang yang bijaksana
Tahu tanpa pergi
Nampak tanpa melihat
Bertindak tanpa bergerak."

-- Lao Tzu, Tao Te Ching, Sajak 47.

"Dari nafsu muncul kekeliruan fikiran, kemudian kehilangan ingatan, kelupaan bakti. Dari kehilangan ini muncul kerosakan akal, dan kerosakan akal mendorong manusia ke arah kehancuran." -- Bhagavad Gita 2:63.

"Dia telah membutakan mata mereka, dan mengeraskan hati mereka, supaya mereka tidak akan melihat dengan mata mereka, dan tidak pula memahami dengan hati mereka; dan beriman, dan aku sembuhkan." -- Injil, John 12:40.

"Dan sesungguhnya Kami jadikan untuk kebanyakan dari jin dan manusia mempunyai hati, maka mereka tidak menggunanya untuk memahami, dan mereka mempunyai mata tetapi tidak menggunanya untuk melihat, dan mereka mempunyai telinga tetapi tidak menggunanya untuk mendengar. Mereka itu ibarat binatang ternak, bahkan lebih teruk lagi. Mereka itulah orang yang lalai." -- Quran 7:179.

-00000000-